

## ***Akilerartarnermut Siunnersuisoqatigiit aalajangiussaat***

Suliap ilisamaataa:	2008-2210-01
Aalajangiiffigineqarpoq ulloq:	22. oktober 2008
Aalajangiussaq saqqummiunneqarpoq:	20. april 2010
Ukioq naatsorsuiffiusoq:	2004
Pineqarpoq:	Akileraarutit

Pineqartumi oqaasertaliussat: Ilanngaait, ilassinninnermi aningaasartuutit, ilassinninniarluni aggersaaneq, piginneqatigiiffik, piginneqataanerpaaq, pisortaq

### **Eqikkaaneq**

Maalaarummi matumani, piginneqatigiiffiup, (aktieselskab) pisortap aamma piginnittuunerpaajusup, 40 – nik ukioqalerneranut atatillugu, ilassinninniarluni aggersaanerani aningaasartuutit pineqarput. Akileraarutininik Naligiissaasartut, aningaasartuutaasup, ilassinninnermi aningaasartuutit ilanngaatigineqarsinnaatitaanera itigartitsissutigivaat, tamatumalu illuatungaait, aningaasartuutip pisortap akissarsianut ilassutitut akileraarutaasussatut nalilerlugu, taamaasillunilu piginneqatigiiffik akissarsianut aningaasartuutiminik ilanngaateqassalluni piginnaatitaaffeqarpoq. Akilerartarnermut Siunnersuisoqatigiit naliliineq aalajangersarpaat.

### **Suliami pissutsit piviusut**

Ukiumi 2004 – mi, piginneqatigiiffimmik piginnittuunerpaajusup pisortaasullu, 40 – nik ukioqalerneranut atatillugu, ilassinninnissamut aggersaanerami aktienik piginneqatigiiffik aningaasartuuteqarpoq.

Illassinninniarluni aggersaaneq, piginneqatigiiffiup najugaqarfigisaani, arfinngornermi ualikkut ingerlanneqarpoq. Illassinninniarluni aggersaaneq tamanut ammasuunngilaq.

Niueqatigisat 36 – it qaaqquneqarsimasut ilisimatitsissutigineqarpoq, qaaqqusalli qassit peqataanersut ilisimatitsissutigineqanngilaq. Tamatuma saniatigut ilisimatitsissutigineqarpoq, pisortaq inuttut nammineeerluni, inuuimminut atatillugu, inunnik 22 – inik neriartoqqusisimasoq,

nereqatigiinnerli qanga pisimanersoq ilisimatitsissutigineqanngilaq.

### **Malittarisassat piviusunngortitsinerlu**

Aningaasarsianit akileraarutit pillugit Landstingip inatsisaa nr. 5, 19. maj 1979 – iminngaaneersoq.

- § 17, imm. 1, nr. 1

Aningaasarsiat akileraaruteqaataasussat natsorsornerini ilanngaatigineqarsinnaasut tassaapput:

1) ingerlatsinermi aningaasartuutit, tassa imaappoq, aningaasarsiat piniarnerannut, isumannaalliniarnerannut, allanngutsaaliorniarnernullu, ukiup ingerlanerani aningaasartuutaasimasut, taakkununga ilaallutik, akileraartarnermi nalikilliliinerit. Akileraartarnermi nalikilliliinermi maleruagassat aammalu pigisat nalikillilernerqarsinnaasut, allamut tunineranni, il.il. iluanaarutit ajunaarutilluunniit, akileraartarnermut tunngassutillit suliarineranni, maleruagassat Landsstyrip aalajangissavai.

lassinninnermi aningaasartuutit ilanngaatigineqarsinnaatitaaneranni, ilasinninnermi aningaasartuutit, suliap akissarsiaqaatissatut pissarsiarineranut attuumassuteqarnerisut apeqqutaavoq. Akileraartussaataasup piunasaqaatit naammassineqarsimanersut uppersaasorsortussaavai.

Aningaasartuutaasoq, inummut namminermut tunngassuteqartumik pissuteqarpat, matumani ilaallutik, pisortap aamma piginnittuunerpaap inuuissiornera, pissutsit toqqammaviusut nalinginnaasut malillugit, aningaasartuutigisat, ilassinninnermi aningaasartuutit ilanngaatigineqarsinnaanngillat, qaaqqusat akomganni niueqatigisat suleqatigisallu ilaagaluarpataluunniit. Aningaasartuutit taamaattut pisortap akissarsiaanut ilassutitut isigineqassapput. Piginneqatigiiffik akissarsianut aningaasartuutiminik ilanngaateqassalluni piginnaatitaaffeqarpoq.

### **Akileraartarnermut Siunnersuisoqatigiit naliliineri tunngavilersuutaallu**

Akileraartarnermut Siunnersuisoqatigiit tunngavigisaat tassaavoq, piginnittuunerpaap, akunnaatsuliilluni inuuissiorneranut atasumik aningaasartuutit pineqartut, aammalu katerinneq inunnik aalajangersimasunik aggersaanerummat, tamanullu ammasuunani.

Akileraartarnermut Siunnersuisoqatigiit naliliipput, aningaasartuutit inummut namminermut tunngassutillit isigineqartariaqartut, taamaasillutillu ilassinninnermi aningaasartuutit ilanngaatigineqarsinnaanngitsut.

## **Akilerartarnermut Siunnersuisoqatigiit aalajangiussaat**

Akilerartarnermut Siunnersuisoqatigiit, akilerarutinik naligiissaasartut aalangiinerat aalajangersarpaat, tassa imaasillugu, ilassinninnermi aningaasartuutit piginnittuunerpaap, saniatigut akissarsiaatut isigineqartariaqartut, pineqartullu piginneqatigiiffiup aningaasarsianut aningaasartuutitut ilanngaatigisinnaagai aalajangersarlugu.